

Laisiangthou Bulphuh

Aw mihing, a hoih nang a hon ensak ta hi;
Toupa'n nang a hon phut bang ahia? Diktak a
hih, hehpihna it leh na Pathian tawh kiniamkhiak
a tonkhawm ahi kei maw?

Mika 6:8

Thumna Makai

> March khasung a lam tuamtuum a vualzawlina
simseng louh mimal, innkuan leh saptuum te'n I tan te
ziak in Pathian kiang a kipahtu gen ni.

> Tu khasung a Amah min thupina dia sep leh bawl,
kizatna I neihte zia in Amah (Pathian) kia in Thupina
tang hen la, sepkhelh/val omleh a ngaihdamna ngen
in thum ni.

> Tukha (March) sung a programme tuam tuam I
neih te, Biakna hunsehte, cell prayer, TBDF area/bial
kikhopna, SJCC meeting, election, lohcing tak a I neih
theihman un Pathian kiang a Thupina leh pahtawina
ipa ahi. Hiaite I sepkhiak na ding in lungsim, tha leh
hun tampi lut hi. Hiai te tengteng Pathian kiang a kipan
ahi ichi a kipahtu I gengen ding.

> Saptuamte hon makaih dia I tel khiak te a ding in
naktak in thumni. Toupan heutu dia hon piakte nuai a
kitulut a athu uh mang thei ding in Pathian kiang a
kilanthak ni.

> Siamsin naupang te'n exam result a lohchinna hon
ngah chiat man un Pathian kiang a kipahtu gen pih
chiat ni. Kuhkalna leh lohchinnate Pathian a hong
kipan ahih lam kipahtu I gen pih kawm in naupangte
sinsak ni.

> Khua khal leh kholum hong ki khek a hitang khosik
hong tamsim a, damloute a ding in damna Toupa
kiang a ngetsakni. I nget nak leh hon huh dia mansa a
om gige Pathian kiang ngen ni.

> Nipini nawn biakna hunseh kigelte, manphatak a
zat ahitheihna ding in tanneite leh mipite - Toupa khut
hat a kilan in kikhop theih sawm chiat ni.

SAPTUAM BANK ACCOUNT DETAIL

"Evangelical Baptist Convention, Delhi"

A/c No. 11084241142

State Bank of India, New Delhi Main Branch,
Parliament Street, New Delhi - 110001,
IFS Code SBIN0000691

Email: finance@ebccdelhi.org leh
Mob. No. 9818687331 ah piakna details
theisak zel le kichian mahmah ding.

TUNI BIAKNA HUNZEK

09:30 AM : Counselling Hun

11:00 AM : Tuni - ZINGLAM BIAKNA KIKHOP

Pathian' Phatkhawmna	: WT makaih in.
Thumkhawmna	: Mipi
Thilpiak/Latna	: Upa Thiankhanmuan
Pem Laklutna	:
Thumsakna/Thugenna	: Pastor
Pathian' Phatkhawmna	: WT makaih in.
Hunkhakna/Vualzawlina	: Upa Thianzakham

2:00 PM : Tuni- SUNNUNG BIAKNA KIKHOP

Pathian' Phatkhawmna	: WT makaih in.
Thumkhawmna	: Mipi
Thilpiak/Latna	: Upa Ngulminthang
Thumsakna/Thugenna	: Pastor
Pathian' Phatkhawmna	: WT makaih in.
Hunkhakna/Vualzawlina	: Upa Dr B Langkham

SINGPI DAWN A KITHUAHKHAWMNA - TEA FELLOWSHIP

Nipini paita [19.03.2017] Biakna Thilpiak Lakkhawm

Sawm-a-khat - ₹ 81,650 /-; Nipi Thilpiak - ₹ 12,951 /-
Missionary vakna - ₹ 23,900 /-; Building Prj.- ₹ 1,000 /-;
BDF Antang Pham - ₹ 12970 /-; Bial Fellowship - ₹ 1590 /-;

NIPINI NAWN BIAKNA HUNZEK

April 2, 2017

9:30 AM : Thumkhawmna; Pitu: Nu Dongngaihching

11:00 AM : ZINGLAM BIAKNA

Pathian' Phatkhawmna	: WT makaih in.
Thumkhawmna	: Mipi
Thilpiak/Latna	: Upa T. Gou Khangin
Thumsakna/Thugenna	: Pastor
Pathian' Phatkhawmna	: WT makaih in.
Hunkhakna/Vualzawlina	: Upa Damsawmthang

2:00 PM : SUNNUNG BIAKNA

SIAM SINNA A DIKTATNA

Comperes : *Goulian Guite & Zousangpui*

Biakna leh Phatna	: Worship Team makaih in
Thilpiak Latna	: Upa Thangkhosiam
Special Item	: 1) TBYF Committee 2) Lia Vungsuanching
Thugenna/Kisinsakna	: Upa H Kam Suanthang
Pastor Thumsakna	: Pastor
Hunkhakna & Vualzawlina	: Thugentu

SINGPI DAWN A KITHUAHKHAWMNA - TEA FELLOWSHIP

THUNEIHNA LEH VAIHAWMNA A KHRIST DIKTATNA A KILAMTHAKNA

*Aw mihing, a hoih nang a hon ensak ta hi; Toupa'n nang a hon phut bang ahia?
Diktak a hih, hehpihna it leh na Pathian tawh kiniamkhiak a tonkhawm ahi kei maw? Mika 6:8
Na thu in siam a hon tangsak dia,
na thu mah in siamlouh a hon tangsak ding hi, a chi hi. Mathai 12:37*

Tutung in I saptuam thupi DIKTATNA A KILAMTHAKNA chih thupi khen-nenna a, March kha a dia thupi kipia **Thuneihna leh Vaihawmna a Khrist Diktatna a Kilamthakna** chih pansan in mimal hinkhua a thuneihna leh vaihawmna nei tek ihindan, tua zat dik leh zat khelh a manphatna leh lauhuai dan ban ah, hiai bang thil in tangtawn daih ahindan kikum khawm le chi'n saulou kahon gelh hi.

Pathian in mihing a siam in, amah batpih a siam ahik kawmkawm in, robot bang a amah ut bangbang leh deih bangbang a thuneih khum ding in siamlou hi. Hiai a chian na mahmah tuh Eden huan laizang a sia leh pha theihna sing a koih apan muh theih hi. Huai sing gah neklouh ding ahindan leh a nek ua leh atung ua thiltung dingte theisak hi (Genesis 2:16,17). Hiai ah Pathian in mihingte mimal mahmah deihtelna zang thei ding in thuneihna leh kivaihawm theihna hamphatna sangtak hon pia hi. Tuamah Pathian in hon zahtaksak hi. Huchi hilou hileh AMAH thil bangkim thei, koimun peuh a om leh bangkim hihthei Pathian in Adam leh Evi baantang a valen in kham thei tham hi. Himahleh, tuabang a hihlou in a deihtelna uh semsua sak a, a guun tuni tan in mihingte'n kithuak tou zel in kithuak tou lai ding hi. Hiai mimal deihtelna lak khelh in amau kia hilou in leitung pumpi zel suak hi.

Pathian in leitung pumpi tuichim a gawt a, mihing leh ganhingte hihmanthat a sawm lai a, Noa bitna long sui ding leh midangte leng chialpi dia a sawl ban lai in; Noa in a lungsim tawng a thuneihna leh vaihawmna hamphatna zang dik in Pathian thu mang a, amah thuman vang in leitung mite hihchimit a omlou in, tuni tan in mihing, ganta, sing leh loute apun ban ah, thil thupi taktak Pathian in mihingte hon musak in hon zangsak lai hi. Hiai mimal khat deihtelna lak dik in leitung mihingte leh gantate mangthang lou ding in kemit hi.

Pathian in a nam tel Israel tate kiang, Na ma uah vualzawlina leh hamsia ka koih... (cf Diuteronomi 11:26-28) chih Mosi tungtawn a a genlai in mimal chih in mohpuakna a neih uh tuh, hiai Pathian thugen man ding leh manlouh ding chih ahimai hi. Hiai a lungtang tawng ua thuneihna leh vaihawmna pansan a deihtelna hon bawlkhiak or hon sepkhiak ua pan kimu thei hi. Aziaktuh mipi ichih mimal tampi kigawmkhawm ahizaki in. Israel te'n Joshua makaih a Jeriko alak deklai ua Pathian thupiak tuh gal lak tengteng AMAH a ding chih ahi. Miteng phial mahmah in a lungsim thuneihna leh vaihawmna Pathian thumanna a azat lai un, Akan in a deihtelna na zangkhiak maw in, gah kha mahmah in zui ngal a, huaituh khopi neuchik Ai tung a vuallehna leh sepaih 36 sihna ahi (Joshua 6 & 7). Hiai ah mimal poimawhna kilang chian mahmah mai hi.

Gingtu masa te lak ah leng hiai lungsim gam a thuneihna leh vaihawmna Pathian awn khalou gen ding bangzah hiam omte lak ah Anania Leh Saphira te nupa enle; midangte hihbang a thilhih dan a kilatsam ut in, a gam zuakna uh man khenkhat im in Sawltakte kiang avek a tawi dan in va kigen laizang uhi. A nupa un sih loh hithet tel uhi (Nasepte 5:1-11). Genlai le Jesu nungzuite lak ah Juda Iskariot khomi bang in leng na hih khial mahmah in saak sih loh hithet hi (cf Mathai 27:3-5; Nasepte 1:18,19).

Unaute, Pathian in hon dehsak mahmah in mimal thuneihna leh kivaihawm theihna hamphatna or deihtel theihna nei in hon na bawl hi. Tua ahikawm kawm a poimawh mahmah leh pilvan huai tuh huai hamphatna bangchi bang in ka/na zang a chih ahi. I Laisiangthou tangtel ah Jesu'n, **Na thu in siam a hon tangsak dia, na thu mah in siamlouh a hon tangsak ding hi**, a chi hi (Mathai 12:37). Khovel a mipilpen leh hausapen Kumpi Solomon in, **Hiai thu leh la tawpna**

ahi; avek in zak in a omta; Pathian laudan siam inla, a thupiakte zui in; hiai lah mihing hih ding pumpi ahi. Pathian in thilhih chiteng, thil selguk chiteng, ahoih hia ahikheileh ahoihlou tawh vaihawmna a la lut ding ahi, chi'n na gelh hi (Eklisiasti 12:13,14). Huaizaki in, Pathian in Jawlnei Mika tungtaw2n a ana phuan/gen khiak bang in, Aw mihing, a hoih nang a hon ensak ta hi; Toupa'n nang a hon phut bang ahia? Diktak a hih, hehpihna it leh na Pathian tawh kiniamkhiak a tonkhawm ahi kei maw? (Mika 6:8).

TOUPA'N A THUTAK PANSAN A I LAIGELH, MIMAL HINKHUA A THUNEIHNA LEH VAIHAWMNA DIK, KHRIST JESU A KIBULPHUH NEI A, DEIHTELNA DIK I ZATNA HIDING IN HON ZATSAK IN HON VUALZAWL SAK HEN AW.

ACCOUNTING MANAGEMENT DING KIDEIH

March 20, 2017 a Director of Social Development/DDO, EBC lai copy kimu bang in, Khovel khantouh dungzui a sumsaina a khanna nasatak hong omtou zel toh kisai, EBC Saptuam pumpi Accounting, a poimoh bang a etkaipih ding, Financial Management Area a siamna nei kuahiam Toupa gam nasepna a lunglut om ding a gintakna nei in theihsakna hon bawl hi. Hailam a siam na nei leh Pathian gam nasepna a lunglutte ading in saptuam in hon kipoimoh hi. Kipahman ding bel kihou dan khat hong om ding hi. Hiai na pen hunbit a sem ngailou in ei omna mun a pat etkai pih ding dan ahi.

Hichibang siamna nei kuahiam EBCC Delhi apan om I om ding lamem in hiai theihsak I taklang sawn hi. Huchibang I omleh hehpih a Pastorte na zasak ding in I kingen hi.

JOINT BUILDING PROJECT TOH KISAI

Delhi a EBC Complex Project a neihdia EBC Khawmpilian a thusun, In Principle a pom hita hi.

Hiai toh kisai a poimoh bangkim saizui leh ma hon la dia Delhi a om EBC Saptuamte Khawmpi'n hon sep ahiman in Joint Project adia thohlawm I kaihkhawm lel Nikhat Tha - tutan a pesate tung ah kipathu genkawm in pekha nailou I omleh chikpailpeuh a piaktheih ahik chih I kizasak hi.

Hiai project adia malatu Joint Project Committee in a poimoh bang in pan la zom zel ua, thohtu/petu lam in leng thathak la a kisuk ding in I kilamen in I kingen hi.

TBMC 2017-2020 OB & IN-CHARGE KIPIAK NA OM DI

March 12, 2017 a kitelna tungtawn a telching Tualsung Baptist Missions Committee memberte tuni (26.3.2017) biakna kikhop tawp in Office bearer ding bawlna leh alui leh thakte charge kipiakna conference hall ah Pastor leh Upate' makaih in om ding hi.

TBDFC OFFICE BEARER THAKTE for 2017-2020

Apaita nisim March 19, 2017 in Tualsung Baptist Dorcas fellowship a committe dia telching a om te Pastor leh Upate makaih in 2017-2020 sung Office Bearer vaipaw ding bawlna saptuam conference hall a bawl in om hi. Hiai bang in hong kilem uhi.

President	: Nu Mankhodim
Vice President	: Nu Haumuankim
Secretary	: Nu Roui
Asst. Secretary	: Nu Chinglian
Fin. Secy.	: Nu Nianglianching
Treasurer	: Nu Donngaihching

TBYFC OFFICE BEARER THAKTE for 2017-18

Apaita nisim March 19, 2017 in Tualsung Baptist Youth Fellowship in 2017-2018 Term khat office bearer vaipaw ding bawlna Pastorte leh Upate makaihna in Biakinn a nei ahi, hiai a nuai a te OB ding ahi uhi.

Chairman	: P. Chinliankhup
Vice Chairman	: N. Chinginthang
Secretary	: Haumuankim Samte
Asst. Secy.	: Goulian Guite
Fin. Secy.	: Zenggaihlun
Treasurer	: Manjewel Kim

TBSUC OFFICE BEARER THAKTE for 2017-2020

Nisim 25.03.2017 in Tualsung Baptist Saptuam Upa Committee in 2017-2020 Term ading office bearer bawlna Pastorte makaihna in Biakinn ah neih hi a, OB thak dia telchingte -

Chairman	: Upa L Ngulminthang
Vice Chairman	: Upa T Thianzakham
Secretary	: Upa T Thiankhanmuam
Asst. Secretary	: Upa H Kam Suanthang
Fin. Secretary (Local)	: Upa Thangkhosiam Tonsing
Fin. Secretary (Tithe)	: T/Upa Khamchin Naulak
Treasurer	: T/Upa T Songzalian

HQ DORCAS HALL A PAN BITUK HAWMNA

EBC headquarter dorcas hall a pan bituk hawmna a ei saptuam EBCC Delhi in hiai bang mohpuakna leh hamphat na kitang hi.

Sawma khat (70%)	- Rs. 70,00,000.
Dorcas	- Rs. 1,00,000.
DORCED	- Rs. 30,000.
Khristian Thukizakna	- Rs. 15,000.
Relief	- Rs. 35,000.
Centenary Hall	- Rs. 50,000.
Kipahthugenna	- Rs. 10,000.
Aveka gawmkhawm	- Rs. 72,40,000.

TBDFC A PAN KIPATHU GENNA

TBDFC in term paille a anntangpham hon phamte tung ah kipathu nakpitak in I gen hi. Pathian itna, tagah, meithai leh saptuamte adia vanzat poimohtak hidia phatuamngaihna I suah chiat man un Kipathu gen kawm in Toupa'n a lehtampi in hon vualzawl leh chih deihsakna thu I gen hi. April 2016 -March 2017 tan in anntangpham pia mi 85 pha chi'n ki-record thei hi.

KIPAK LUA UNG

TOUPAN, A saptuam (EBCC Delhi) a Biakin kemtu (caretaker) dia Upa Vaihawmte tungtawn a hotel a, March 1, 2006 apan March 31, 2017 (kum 11 sung) hamphatna leh mohpuakna hon got bangbang, (a kallak a Office Assistant toh thuahin) chinlou Leh kizenlahpi a semzou thei a honpi ziakin Thupina pia in Amin ka phat masa hi.

Deihsakna toh hiai kum 11 sung tawntung hon makaih a, taihilh leh lamleh ka poimoh hun a honpi gige seppih Pastorte; Tunson Tunlut, Kham khanchin Ngaihte, Nenglian Vualnam, N Khaikhup hang, N Tuanglang, Biakson Hatlangh tung ah TOUPA min in kipahthu ka gen uhi.

Taksap hun leh chihmawh ka tuah hun a hon kitheihmohbawl lou a, ahunhun a panpihna khut hon zak zel - TBSUC, TBMC, TBDFC, TBYFC leh TBCD a seppih heutute tengteng banah, mimal TOUPA min a deihsakna khut hon khak gige ziak in TOUPA min ka phat a, kipah thu ka gen uhi.

Hiai kum 11 sung intekpan tak a saptuam leh a vanzat omte Kem leh enkoltu a ka pan sung ua, heutute leh mimal kuahiam lak a kilawm khengval nasep, kampau leh sepkhelh, kei leh ka inkuanten ka theih uhiam, ka theihlauh ua ka hikhak uh a om tham ding; Tuabangte tengtengte Toupa min a hon ngaidam ding in na hehpihna uh ka hon ngen uhi.

A chingloute chinga hon pom a, Ama gam nasepna a vanzat a pankhak kei leh ka inkuante ka KIPAK petmah uhi. Ut mahmah lehang leng Toupan haitan (tuhun leh EBCC Delhi adia) hon zang nuam hiphot inteh, Ama adia lampi leh mundang a hon zatnopna om hikhading ahi ka chi ua, ka kha uh amuang mahmah hi.

Amah Pu T Pumkhothang in

*"Kipahna gen senglauh ka nei Toupa,
Na vualzawl na ka tan vang in aw;
A omlai ding ka kipahna,
Ka tan lai ding vualzawl na omte ah."*

Ana chih, kei leh ka inkuante kipah thugenna la ahi hi.

Toupa'n A saptuamte honpi zomzel henla, tukum a Silver Jubilee kizang ding leh maban a Agam nna thupi leh gahsuah sem a semzom zou din hon ompih ta hen.

Ama vanga na deihsak gige uh

*Ginsuan Haulai & a inkuante
Camp: EBCC Delhi*

March 27, 2017 in Caretaker Qtr nusia in Palam ah inluah din ka kithawikhe ta ding uh.

SAPTUAM NIPOIMOHE

Palm Sunday	: April 09, Nipini
Good Friday	: April 14, Sintawpni
Nute' Nipini/Dorcas Day	: May 14, Nipini
Pentecost Day	: June 04, Nipini
Naupangte' Nipini	: June 11, Nipini
Pate' Nipini	: June 18, Nipini
Kipahthu genna ni/	
Haithakni	: Tualsung lemtan hun a zat ding
GBC Sunday	: July 02, Nipini

NAUPANG NIPI SKUL NI POIMOHE-2017**NI BIKHIAH: TARIK & GENCHETNA**

Khrist a I hihmate Nipini ding : March kha a nipini kalkhat/ piangthak te dinmun leh hihna thupidan sinsak.

Palm Sunday	: April 09/ Palm Sunday zatna.
Easter Sunday	: April 16/ Easter Sunday zatna.
Missions Sunday	: May 01/Missions nasepna a naupang kiheltheihna sinsak ding.
Tanchinhoih Nipi masa	: May a Nipini khat/Hotdamna thu nau pangte laka genna.
Nute' Nipini/Dorcas Day	: May 14/Nute zahna leh pahtawina thil hih neih ding.
Pentecost Day	: June 04/Pentecost Day zatna leh Khasiangthou leh a nasep kisinsakna.
Naupante Nipini	: June 11, Nipini
Pate' Nipini	: June 18/Pate zahna leh pahtawina thil hih neih ding.
Kumkim Exam	: July 09, tan a zoh ding/Tualsung saina a exam ding.
Khristian Music sinna	: July kha sung/tonic solfa leh music sinsaknahun a zat ding.

SAPTUAM SCHOOL PROJECT A PANTHEIHNA**WHITEBOARD PROJECT:**

I. A poimohna : Sintute leh semtute ading in blackboard leh chalk zat damtheih haui lou ban ah tropssak mahmah hi. Whiteboard zat a siangthou leh damtheih huai zodeuh a kikep lunggulh huai hi.

B. A gah dia lamet: I) Siangthou leh damthei zodeuh ding

ii) Quality Education leh standard domsang ding

C. A poimohding zah: School 53 X 10 classroom app. =530 vel poimoh ding hi.

D. Sumbei ding zah:

I) White board : Rs. 500 X 530 = Rs. 2,65,000.00

II) Marker set : Rs. 500 X 53 = Rs. 26,500.00

Sum muh didan :

-SD budget a bangzahhiam zat ding

-Saptuam te lak a sponsored zon ding.

WELCOME ALL

Tuni EBCC Delhi a biakhawmna hun hong uap Toupa misiangthoute I Toupa Jesu Khrist min in itna chibai buk in kon vaidawn uh.

Nou toh Pathian bekhawm-phatkawm a om nuam kasa ua, lemtang omchia nong kikhop zel uh ka lamem uhi.

BCD DEVOTION PROGRAM (Contest).

March 26, 2017 (11 :00 a.m.)

Pitu	: Htp. Sonlal
LST sim a thumna	: Np. Engnunmawi, Junior-A
Phatkawmna	: Lapite' makaih in
Bible chang genna	: 1) Np. Chingngaih, Beg.A 2) Np. Ngainunhoih, Pri-B
CONTEST	: Heutute' makaih in
Thupuanna	: A om bangbang
Thilpiak latna, thumsakna & Hunkhakna	: Upa Thianzakham, Suptd.

- Pawl kikhenna -

- Khatawp BCD Sinsaktute thumkhawmna -

Note: -

1) I Programme bawlte thumna in delhzui ni.

2) Tan nei buaina ziak a kihel theilou ding i om Chiang in a baihlam in Superintendent & Secretary zaksak hipah theileh kipahhuai ding

PAITE PAU A JESU FILM DVD HONG TUNGTA

Director of Ministries EBC headquarters a pan kiza dan in Campus Crusade India te'n hon bawlsak uh Paite paua Jesu film February 23, 2017 in mini auditorium, Dorcas hall ah honkhiak in omta hi. Tanchin hoih Luka gelh pansan a film kibawl ahi. Hiai film tungtawn in khovel pumpi ah mi tampite'n Jesu hotdamna ana muta uhi. Ei Saptuam ading in leng DVD Copy 20 hon khak uhi. Campus crusade India in a thawn a hon bawl sak uh ahih man in a latuten akipan in a piak zah2 uh a tawm-atam genlou in kaihkawm a Campus Crusade te kiang a HQ tungtawn in kikhak ding hi.

DVD copy kikhop tawp chia usher te kiang a ngahtheih ding hi. Feed back kikai khawm nawn ding ahih man in entuten hon kikan nawn hun Chiang in hon hilh kik ding in iki ngen ahi.

KTZ KIZAKSAKNA

Khristian Thukizakna March 2017, issue hong tung mah leh a ki hawm daih kei mawka, kisanlah huai akisa mahmah hi. Dorca hall lam toh kithuzak khith ahi, hongtung hunhun a homkhiak pah hi ding hi.

March 2017 USHER

March khasung Mipi Biakhawmna hunte a Usher mohpuakna hon sepsuhsakte kiang a KIPATHU I gen uhi:

11:00 AM Biakna :

1. Pa Rualmuanthang
2. Pa Thuamsiam
3. Pa Lalbiaklian
4. Pa Siampu Thomte
5. Pa Vanlallian.

2:00 PM Biakna :

Bersarai Fellowship a kipan

Ki Volunteer ut om leh Welcome gige ahi

SUMSAI TE APAN KIZAKSAKNA

Sumsaitute' a pan kiza bang in Antang pham piakna, Sawma-khat receipt-te Biakin a sumsait counter ma a table ah petuten kilak theih ding. Cheque a sum petuten leng cheque valid lai hiam chian masa ding in iki ngen ahi. Returned cheque bangzah vei hiam hong om ta leh huaite va et kik ngai sek ahih man ipilvang ni.